

桃源縣志

增繪民國城鎮
鄉圖共二十本

桃源縣志

增補
卷之二十一
藝文志

桃源縣志卷十七

藝文志

詩下五絕
五排

六絕
七排

七絕
附詞

五言絕句

唐

朗州閒詠

郡司馬禮部
尚書中山人劉禹錫夢得

星象垂鳥翼蠻陬相犬牙俚人祠竹節仙洞避桃花

桃溪

寶文閣待
制婺源人朱熹

晦菴

澗裏春泉響種桃泉上頭爛紅紛委地未肯出山流

明

桃花源

餘姚人王守仁陽明

桃源在何許西峯最深處不用問漁人沿溪踏花去

桃花源

獻縣知
縣邑人丁乾

跨鶴訪秦人直入白雲裏采采紫芝歸撫掌笑無已

東林禪房

兗州知府
郡武陵人陳仲錄載之

咍遍三千洞來眠四大牀白雲鐘鼓外翻笑老僧忙

和陳仲錄東林禪房韻

江西按察
使邑人李徵誠之號
源野

久厭浮生擾時分老衲牀閒庭花影靜坐聽鳥聲忙

秦人洞

明經
邑人李可蕃瞻麓

生是桃花源不識桃源路仙人杳何之悵望桃花樹

秦人洞

劉廷膏

蒼山飛白鶴山松下微瘳洞中無人聲只聽濕泉落

鸚鵡

四川提學
僉事邑人江盈科進之號
澤蘿

香豆沾朱喙飛花點綠衣樊籠何太苦翻恨羽毛奇

晚春

江盈科

小苑花殊瘦深林蕨正肥春光能幾日莫惜醉扶歸

旱

江盈科

田裂爛龜甲川枯破龍膽銀河夜夜明望穿老農眼

囑童種樹小漆園書舍 四首

江盈科

書舍宜種桃亦復宜種李春來玩其花夏至摘其子

書舍宜種柏柏傍雜香楓秋霜肅殺後醉葉滿林紅

書舍宜種蕉一葉長一丈清絕枕邊聲碎露滴其上

書舍宜種棗更移汜洲橘棗橘芒刺多牛羊見面慌

桃川懷古七首 有引

南安知縣題授檢討邑人 關士琦 揭公號誰菴

屢就所周每聞往哲撫事悼遺雖風異牛馬而理齊顯晦要之物外高蹤馳詠心耳所涉而止他未遑焉

馬伏波

貴當使可賤公如學道人五溪銅柱蝕猶自歎餘勲

袁寄生

將軍有逸客寄生千載情笛聲吹不盡洞外石泉鳴

劉子驥

名士耽奇僻桃花信有無白雲丹竈古莫問武陵漁

瞿童

鶴子初乘月松枝已沸泉嬰兒大如許忙卻老籤鏗

黃道真

麟洲不死藥食之毛羽青因君三洗髓莫羨洞門深

張虛白

鼎沸元黃世先生正黑甜夢中何處路山碧水潺湲

崔婆

天風環珮杳何處度霓裳石髓無須吸崔家泉自香

題畫

關士琦

溪橋無處無終日無人渡怪他烟草深不似長安路

銅鈴兒

關士琦

淵淵不可斷夜寒聲更悲聖朝求古樂莫傍棘叢飛

紡車

關士琦

辛苦望長庚夜漫何時旦寡妻不再悲頻年機杼慣

漁仙雜述

十首

進士太常寺卿郡武陵人龍

鵬君御

進艇白石灘漁仙渺何處直過龍家溪遙知前村樹

馬石倚青溪檀欒萬竿竹仙犬吠柴門層樓架山麓

飛虹石作梁蜿蜒龍山下舉頭見丈人彷彿陟太華

山勢環四圍江流俯一帶時時五色雲綸采入窗外

縷破封曉烟霜柯盤曲磴躡足紫竹灣蕊香發幽磬
合沓見層巒深深路疑絕捫蘿蒼翠流虎跡猶未滅
千秋誰勒銘幾爲匠氏厄猶幸護山君不負巨靈孽
天柱高入雲石蘭挂崖際微風散眾香坐諷蓮花偈
倚閣際澄江千帆挂雲影下有釣石磯可以學箕顙
高遁羣喧息深林倦鳥還山雲白如髮相對兩間閒

踏歌

四首

選貢
邑人闕
聞
島水

白雲赤竹

山名在邑西土東村

皆世家古處耕讀嘯吟場也一筇雙屐每

徘徊於烟鐘雪月古木板橋之間今古在心遂且踏且歌

古峯起山窗溪聲下露簾朝鼓中散琴暮橫馬融笛

韓康柴札車叔夜款扉烏豈無堅肥心山林有取舍

古藤質蒼然翦拜爲鳩杖野老以之扶青山供來往

上山山白雲下山山紅樹把書選石眠濯足清流處

國朝

俠客

四川道監察御史邑人羅人琮宗王號紫籙

說事髯頻掀談心日可指惟幕焚將軍頭顧答知己

廳人

羅人琮

臨風羨玉燕當窗看水仙生來幽靜意妒女亦生憐

采蓮曲

羅人琮

荷深隱珠翠盈盈葉下歌聲上垂楊岸游思散清波

白君山至赤壁山三日內舟中作

三首

羅人琮

六日了一湖巴陵落吾掌亦思弔古人四絕無由訪

白蟻

仙人邑里集水經注江水又左經白嵐山

久不蛻長此江之濱賸有太初氣朝暮

吐烟雲

木落長簷閣漁翁暫息機只應蘆花夜側側夢魚肥

桃源縣

邱岱

路杳雲林暗苔荒石徑斜人隨春去遠猶自覓桃花

學人拜新月

天台知縣人陳熹

蔚文號石園

未必解人意痴嬌最可憐低聲詢女伴何日月團圓

促織

鳳凰縣人羅時暄

旂山

賦性含秋思微吟起夕隱月沉簫管歇懶婦最先聞

張範坡新製藥酒惠飲口占

羅時暄

春入蘭陵美天台草正幽翦燈相對酌何處是涼州

桃源洞

邑人李時香

洞口桃千樹花開日日春紛紛名利客誰是問津人

無題

漳浦知縣人羅澤坤厚載號鈞莊

嫋嫋復嫋嫋嫋嫋在何許愁敲錢塘雲不作西湖雨

靜坐

處士 邑人 劉登康 礪儒

閉戶遺塵器冥心遊太始紛紛老與莊可解無言旨

的盧

劉登康

烏江雖不逝檀水見奇村一躍空三丈何須西極來

邑教諭 湘陰人 楊先鐸 木菴

樹密鳥聲幽溪流花影破空山悄無人雲抱一僧臥

渾仿晚渡

選貢 邑人 羅德芳

台暗雲千疊波澄水一方夜深人喚渡月落滿船霜

小桃源 邑西南辰州界

邑人 羅光祖

流水桃花地中藏小有天漁郎尋不到縱我作餘仙

過桃花溪

兩江總督 安化人 陶澍 雲汀

山路雨後深雲樹蒙朝絮一鳥忽發聲衝破烟痕去
澗曲小橋橫屋角雲中見不見武陵人但見桃花片

題桃花溪圖

明經程中樞垣左

一棹小漁舟點破波心翠紅雨落溪頭兩岸桃花醉

桃川仙隱

諸生邑人萬 煙夢青

一路踏花痕直入花深處隔花不見人花下認來去

潼汭晚渡

萬 煙

日落橫孤舟月明生野渡何處起漁謳蒼蒼但烟霧

書屋岡有懷

岡爲羅飛峯軍門遺址

諸生邑人 向文修 士行號禮耕

莽莽英雄去園林載酒遊羣山排戰陣絕壑伏羌酋

烏池玩月

向文修

夜氣方塘靜天空月一輪相邀烏相影不照黑頭人

遊桃源洞西澗

山有二澗自東澗為桃源洞西澗人迹絕矣

向光謙

扶筇行且止孤澗坐生春一鳥閒無事數花紅近人

夜過巴陵

宣慰知縣邑人

向光謙

子誠號梅修

湖遠漸無燈天空一鏡澄櫓聲三十里搖夢過巴陵

畫蘭贈蒲圻賀展如

人驥

孝廉

時轉餉入都賀適落第

前人

燕昭去已久攜手黃金臺一寫猗蘭操悲風萬里來

痛飲讀離騷天高眾芳歇何因不歸去同看洞庭月

題郭蘭生孝廉

世欽

蘭舫圖

向光謙

羨君青筠舫絕勝沙棠舟應逐漁人去桃花溪水流

行行何所之儻至女牛處壁上黃河詩是君舊時句

鄂寓有感

向光謙

宦海千尋浪孤舟一葉輕眼看人盡去高枕待潮生

沈氏園看花

向光謙

曉起倚闌干春風生嫩寒故園花自好偏向客中看

登施南府太白問月亭

向光謙

先生夜郎謫我愧夜郎長山空月明時時作真人想

王昭君

向光謙

無地著娉婷承恩入虜廷君看墳上草猶是玉階青

巫山道中

時自宣恩解官經此

向光謙

江水三千里巫山十二峯蛟螭正無限何意採芙蓉
屈宋文章在流傳實可哀獨攜萬古淚揮灑過陽臺

嘲孟德

向光謙

何必羨仲謀平原自不惡一聞黍離歎清淚千秋落

自題梅花帳幔

向光謙

歷劫修難到初心敢負君歲寒風雪夜還共看梅

過桃花源

援黔保舉訓導邑人

向文奎

研秋號大谷

石橋花木深客過嘯鳥送樹杪鐘磬來冷然破塵夢

春日卽景

向文奎

一簾飛燕影滿徑落花痕坐看湖山色春風綠到門

落花

向文奎

一夜雨蕭蕭金鈴不住搖美人常晏起相對怕魂消

深山

向文奎

深山人跡稀樹裏流泉響枕石卧松根閒雲自來往

雪後看梅

向文奎

空檐雪漸消曉閣冰猶凍竹外一枝斜寒香清入夢

清溪

向文奎

清溪流水淨斷岸半鋪雲坐釣苔磯上沙鷗盪夕曛

舟中曉起

向文奎

霜月寒欲墮渚煙積未消雞聲柔櫓外曉夢落江湖

秋海棠

布衣
邑人高

曠
逢年號
墨

秋花非無色過時誰採擷美汝自爲花不知有霜雪

梅花嶺

高曠

妾住梅花嶺梅花卽妾家不知郎別後憶妾憶梅花

白鼻騮

高曠

白馬誰家子呼酒當壚前睥睨唱吳歌敲斷珊瑚鞭

大堤柳

送君堤柳路東西不知處儂欲折柳枝恐驚鳥飛去

逢僧

高曠

溪上逢老衲長眉慙無語典得古佛身負米賣

曉見

主恩寬盜賊春色釀農家曉見芭籬犬風前吠

擬換儂曲

高曠

忘憂徒草根銜口總石闕不分儂心底一味長黃葉

摘荷包蓮子藕絲束端委無由見苦心徒爲纏綿死

訪友不遇

高曠

遙犬吠白雲羣流振幽壑往來石徑風惟聞松子落

觀古山寺

高曠

危峯飛鳥上一徑入禪門晚磬僧無事階前飯小猿

柴門

高曠

步屨柴門外春來花四鄰荒村無過客犬吠餉耕人